



A Policía Autonómica e Augas de Galicia inspeccionaron esta mañá a canle do Río Muíños co fin de valorar e informar sobre as actuacións que está a desenvolver o Concello de Nigrán e que foran [denunciadas polo PSOE](#) por presuntas irregularidades. O concelleiro Juan González (PSOE) advertiu nesta xornada que "no día de onte desprazaron o caudal do río Muíños, encofraron e botaron formigón sobre o leito do mesmo", á vez que confirmou que os feito están en mans da Fiscalía.

As obras –s [egundo informara o alcalde Alberto Valverde](#)– responden a dúas actuacións: a limpeza e baleirados de areas acumuladas para evitar eventuais crecidas do caudal e o arranxo dunha tubaxe de saneamento, ambas as dúas cos respectivos permisos de Augas de Galicia.

Nembargante, os socialistas sosteñen que as intervencións se levan adiante "sen as correspondentes autorizacións e sen proxecto técnico que as respalde." Nese senso, o portavoz Juan González reiterou esta mañá a paralización inmediata das mesmas.

Escrito por Redaccion @valminorinfo
Martes, 10 Abril 2012 13:14



Escrito por Redaccion @valminorinfo
Martes, 10 Abril 2012 13:14

